

Tō'on yó'o kíān kúú uü nī taa San Pedro nī sa'an noó nā kúú kuendá Jesús

Ká'an Pedro ndisá'án

1 ¹ Yu'u kúú Simón Pedro, nā kéchóon noo Jesucristo. Ta kúú iin apóstol, nā né'e to'on na. Ta ká'an yu'u ndisá'án xí'in ndo'ó, chí sa'á ña kéndaa Ndios, nā kúú Jesucristo, nā dákaki ñaá, sa'á ñoó nī nī'ī ndo ña kándéé iní ndo ná táto'on kī'o kándéé iní ñaá mií ndú. ² Ná kemánī cháá ká Ndios ndo'ó, ta ná kī'o cháá ká nā ña koo va'a ini ndo sa'á ña kándaa va'a ini ndo sa'a míí ná, xí'in sa'a sato'o yo Jesús.

Ndi'i ini ndo na'a ndo mií ndó ña kúú ndó ñayuu nī kana Ndios

³ Ta xí'in ndée míí ná xí'o na ndidaá tá'an ña'a xínño'ó yó, dá kataki yo kandeí yó, ta kee yó ña kónī míí ná, dá chí sa'á ná'a va'a yó sa'a míí Ndios, nā nī kana ñaá sa'á ña ndato nā xí'in sa'á ña kúú ná nā ndaa. ⁴ Ta sa'á ña kī'o dión kúú ná, sa'á ñoó ná'a yó ña nī'ī yo ña ndato xí'in ña ná'ano nī kaa nā kī'o na noo yo. Ta sa'á ña nī kandoo na kee na dión xí'in ndó, sa'á ñoó koni ndo kankuei xoo ndó noó ña kini kátoó ñī ndo keean ñayuu'ó, dá kasandaá ndo koo vii ndo táto'on kī'o vii míí ná. ⁵ Sa'á ñoó ndī'i ini ndo ña kakuu ndó ñayuu ndaa, ná dá'a ni kandeé oon ini ndo ná. Ta ná dá'a ni kakuu ndó ñayuu ndaa oon ni, ndī'i ta'ani ini ndo ña kíān kana'á cháá ká ndo ña kónī Ndios, ⁶ ta o duú ña yó'o oon ni ndī'i ini ndo kee ndó, di'a ndī'i ta'ani ini ndo chituu ndó míí ndó, dá ná o yá'a ndó kee ndó kuachi. Ta o duú ña yó'o oon ni ndī'i ini ndo kee ndó, di'a ndī'i ta'ani ini ndo koo kueé iní ndo. Ta o duú ña yó'o oon ni ndī'i ini ndo kee ndó, di'a ndī'i ta'ani ini ndo kandita toon ndó xí'in to'on Ndios. ⁷ Ta o duú ña yó'o oon ni ndī'i ini ndo kee ndó, di'a ndī'i ta'ani ini ndo koni ndo dao ká ñayuu táto'on kī'o ndó'o ndó xí'in nā ve'e míí ndó. Ta o duú ña yó'o oon ni ndī'i ini ndo kee ndó, di'a ndī'i ta'ani ini ndo ku'u ini ndo sa'a ná. ⁸ Tá kée ndó ndidaá ña yó'o, ta nī ñakutí ndó xí'án, dá kíān o kándeí oon ta'on ndó, ta o kakuu ndó nā ko chóon. Di'a kana'á cháá ká ndo sa'a Jesucristo, nā kúú sato'o yo. ⁹ Tído nā ko kée ndidaá ña yó'o, noón kúú nā ndadí noo, ta kúú ná táto'on iin nā ko túu noo, ta nī ñandodó nā ña nī dándóo Ndios ndidaá kuachi nī kee na tá sata.

¹⁰ Sa'á ñoó, ñani míí, ndī'i ini ndo na'a ndo mií ndó ña kúú ndó ñayuu nī kana Ndios, ña kúú ndó ñayuu nī kaxi míí ná. Dá chí tá kee ndó dión, dá kíān ni iin kuü tá'on o kána xoo ndó noo ná. ¹¹ Ta kúú natiin va'a ñaá sato'o yo Jesucristo, nā dákaki ñaá, noo dándáki kuií nā xí'an kádií ini nā.

¹² Sa'a ná nōó ọ dándí'i ta'on yu'u ña kían dándusaa inii ndo'ó sa'a iin rá iin ña'a yó'o, va'ará sa ná'á va'a ndó ña, ta va'ará ndíta toon ndó xí'ín ña ndaa. ¹³ Chì iin ña va'a kían noo yú'u ña dándusaa inii ndo'ó sa'a ndidaá ña yó'o xían nani takíi ndíxi koño yó'o. ¹⁴ Dá chì ná'í ña sa yati va kasandaá ña dánkooi yikí koño yó'o táto'on kị'o nị ka'an sato'o yo Jesucristo xí'ín ña kían kánian ndo'i. ¹⁵ Tído chọ'on nda'o inii kásto'on yíkoi sa'a ndidaá ña yó'o, dá kían, tá nị xí'ii, dá kían daá kaño'o ini ndo sa'án.

Nda induú tái nị ka'an Ndios nị chindaya'i na Jesús

¹⁶ Tá nị kásto'on ndu xí'ín ndó sa'a choon kómí sato'o yo Jesucristo, xí'ín sa'a ña nandió koo na kasaa na, ko ní kéchóon ndu cuento to'ón, ña nị ndaki ini mií ndú. Di'a nị kásto'on ndu ña nị xini xí'ín noo ndú ña miíñ ndaa kuiti kómí ná choon ká'ano. ¹⁷ Chì nị ñatiin na ñañó'ó noo tatá Ndios, ta nị keká'ano ñaá ná, dá chì nda induú noo ío na xí'ín ñañó'ó tái nị ka'an na: “Ta yó'o kúu de'e manì yu'u, ta náta'an nda'o inii xini xí.” ¹⁸ Nị seídó'o ndu'u to'on yó'o, ña nị kii chí induú káa, tá nị sa'an ndu xí'ín Jesús dini iin yúku ii.

¹⁹ Sa'a ná nōó kándaá inio ña miíñ ndaa nị xinkoo ña nị taa profeta tá sa na'á. Ta va'a kee ndó tá ná kị'o ndó mií ndó ña kían kueídó'o ndoan, chì kían táto'on iin ña dátoon noo ndo xían nani iin naá nda natuu noo, dá dátoon Jesús nio ndo táto'on ndato toon kimi tá nị xino rí na'a. ²⁰ Tído noo ndidaá ña'a kánian kana'á ndó ña ni iin tó'ón to'on nị taa profeta noo tuti ii Ndios ko ní ndáki ini ñaxintóni mií rá, ²¹ chì ni iin tó'ón to'on nị taa ra ko ní ndáki ña dini ni iin taa ñayuu yó'o. Mií vá Espíritu ii Ndios nị dátóon ñaxintóni taa nị kaxi mií ná, dá nị taa ra ña.

Kanda ndo mií ndó, chì kasaa taa dána'a ña to'ón, ta katoó ra dánda'í ra ndo'ó

2 ¹ Tído nị sa ndei ta'ani profeta to'ón ñoo Israel tá sa na'á. Dión ta'ani kaño'o taa dána'a ña to'ón tein ndo'ó, ta chi'i ra cháá ña to'ón tein ña dána'a ra noo ndo, ña kían dátuu ñaá. Ta ọ nákonì ta'on ra sato'o yo Jesús, na nị chiya'i sa'a kuachi ra. Ta sa'a ña kee ra dión, sa'a nōó iin ndakána vá naá rá. ² Ta kasá'á kua'á nda'o ñayuu kee na ña ka'an noo kee taa ñoó, ta sa'a mií rá ka'an ndava'a ñayuu sa'a ña ndaa kándisa yó. ³ Ta sa'a ña kúu rá taa katoó di'ón, sa'a nōó ndukú rá ndi kee ra dánda'í ra ndo'ó xí'ín ña to'ón. Tído nda rá sa na'á nda'o ío ndu Ndios dándó'o na nio rá, ta sa kuyati va ña naá rá vei ña.

⁴ Dá chì ko ní xì'o ká'ano ta'on ini Ndios sa'a ángel nị kuei noo kuachi, di'a nị dakuéi ñaá ná nda indayá, ta nị sadi ni'ini ñaá ná ini káo konó noo iin naá yái, ta nōó ñó'an ndátian keyíkọ sa'án.

⁵ Ta ni ko ní xì'o ká'ano ta'on ini Ndios sa'a ñayuu nị sa ndei sa na'á. Sava'a iin tó'ón taa nị dakáki Ndios nị sa naní Noé, tá'an ra sa daná'a

noó ñayuu ña kendísá'ano na, ta ni dakáki ta'ani Ndios usa ka na ve'era. Dá ni danaá na ndidaá ñayuu ko ní xín nakoni ñaa ñoo xí'ín takuí kua'a.

⁶ Ta ni danaá ta'ani na ñoo Sodoma xí'ín Gomorra, chi ndaa yaa óon ni dankoo naan, dá ná kana'á yó ndí kían ndo'o ñayuu ko xín nakoni Ndios. ⁷ Tído ni dakáki na Lot noó tandó'ó ñoo, chi ni sa kuu ra iin ta ndaa, chi sa kekini ini ra sa xini ra ndidaá ña kini sa kee ñayuu ñoo ñoo. ⁸ Chi iin ta ndaa ni sa kuu ra, ta ni sa io ra tein ñayuu ñoo. Ta sa'á ña kómí rá iin nio va'a, sa'á ñoo tá kuu tá kuu sa kunda'í ini ra sa'á iin rá iin ña kini sa xini ra xí'ín ña sa seídó'o ra sa kee ñayuu ñoo.

⁹ Chi ió choon noo ndá'a sato'o yo Ndios dáka ki na ñayuu ndíta xoo na noó tandó'ó. Ta tao xoo na ñayuu káni kaño'o na ndadí va'a na nda ná kasandaá kuu keyíko sa'a ná. ¹⁰ Tído ka'í ka ví ndo'o na kée ndidaá ña kini kóni mií ná, xí'ín ña kóni ñí ná, chi ni na sa'ándá choon ko nákon na.

Maestro to'ón yó'o kúu ra ndeé to'on, ta chindaá noo rá, chi ni ko chítuu ini ra kenoo ra ña kómí choon ná'ano. ¹¹ Ndakí cháa ka ángel o duú ta to'ón yó'o, ta kómí ná cháa ka choon o duú mií rá, tído ko chindaá noo ná kenoo na ña kómí choon ná'ano ñoo, ta ko dáta kuachi ñaa ná noo Ndios. ¹² Tído ta to'ón yó'o kúu ra ka'an sa'á ña ko kánda ini ra. Ta kúu rá táto'on kíti ndéi ndava'a, chi ni kaki rí ña kían tiin ñayuu ri, dá ka'ání ná ri. Ta k'i'o dión ndo'o ta yó'o, chi naá rá tein ña kini kée ra. ¹³ Ta miían chiyá'i ra sa'a ndidaá ña kini kée ra, chi va'ará nduu kían, kátoó ra kée ra ndidaá tá'an ña kini kóni ñí rá, ta ni lú'u ko káka'an noo rá kée ra dión. Sa'á ñoo kúu rá ña ni tuú, ña ni tei'i tein ndo'ó. Ta nda noo sásá'an dáó rá xí'ín ndó, kádi iní ra kée ra ña kini. ¹⁴ Ta ko kúu kande'é oon ra na ná'a, kúu sa yá'a va ra nákani lóko ini ra xini ñaa rá. Ta ko sa tuu ra ña kían kée ra kuachi. Ta kándéé rá dákino ini ra na vitá ini, dá kee na ña kini. Ta kúu rá ta ni katí'a kátoó di'ón. Ta kúu rá ta ni kandoo ndo'o nio kee Ndios. ¹⁵ Ta ni dankoo ra íchi ndaa, ta ni ndiko ra íchi kini, tá'an ña ni ndiko Balaam, de'e ta naní Beor, chi sa'á di'ón ni kee ra, sa'á ñoo ni ndiko ra íchi kini. ¹⁶ Ta ni nani ra sa'á ña kini ni kee ra ni kee burro ra, kirí ko ka'an. Chi ni ka'an ri xí'ín rá táto'on k'i'o kée iin ñayuu, ta k'i'o dión ni chítuu rí ña kini kua'an ta ñoo kee ra.

¹⁷ Ta ndidaá ta to'ón yó'o kúu táto'on pozo íchi, ta kúu rá táto'on viko táchi kua'an xoo di'a, xoo di'a. Ta sa io nduu va iin yái noo íin naá kaño'o chíchí rá chiyá'i ra sa'á ña kini kée ra. ¹⁸ Ta ka'an ra to'on táyí xí'ín to'on xíxi. Ta dáka'an ra ñayuu kee na ña kini xí'ín ñí ná xí'ín ña ka'an noo, ta k'i'o dión dákino ini ra ñayuu duú ni tao xoo mií ná tein ña kini, dá nandíó kuéi tuku na kee na ña. ¹⁹ Chi ka'an ra xí'ín ná ña tá kee na dión, dá kían o dánda ki ñaa ni iin ña'a. Tído ñoo o i va rá tíxi ndá'a

ñā ka'an noo, ta dándáki ñāá. Dá chí tá kándéé iin ñā'a dándákian yó, dá kíān ñó'o yó tixi ndá'án.

²⁰ Ta sa nī kankuei xoo ñayuu ñóo tein ndidaá ñā kini ió ñayuu yó'o sa'á ñā nī kasandaá na ná'á ná sa'a sato'o yo Jesucristo, na nī dakáki ñāá. Tído tá ná nandió kuéi na nachí'i tuku na mií ná tein ñā kini, dá kíān ka'í ka ví yakō na o duú tátō'on kī'o sa ndaa na tá ko ñā'a kana'á ná Jesús. ²¹ Va'a cháá ka ñā ní xio dá'a ni kana'á ná ñā ndaa sa'a Ndios, o duú kaan nī kasandaá na ná'á ná ñā, ta nī xio kao na choon iī nī sa'anda Ndios noo ná. ²² Dá chí ndó'o na tátō'on kī'o kua'an to'on ndichí ká'an ñayuu ñā kíān kaá di'a: "Nandió kuéi tina seí rī ñā nī ndusa rí, ta nandió kuéi ta'ani kochí nī chichi kōndee rí noó ndei'í."

Di'a koo tá ná nandió koo Jesús kasaa na

3 ¹ Na manī, ñā yó'o kúú tuti kúú uu tái kosaa noo ndo, ta noo ndi nduúan ká'an ni'inii noo ndo, dá dándótoi ñaxintóni vii ndo, ² dá ná ndusaa ini ndo ñā nī ka'an ndidaá profeta Ndios tá sata, ta ndusaa ta'ani ini ndo sa'a choon nī sa'anda na kúú sato'o yo, na dákaiki yó noó kuachio, chí nī daná'a taa né'e to'on na noo ndo sa'a choon yó'o.

³ Dinñó'ó kónii ñā kana'á ndó ñā tein kuu noo ndi'i ndakuei taa kediki ndaa ra ñā ndaa kándísa yó, chí kakuu ra taa kandeí kee ñā ka'an noo kóni mií rá. ⁴ Ta kaa ra xí'ín ndó: "¿Ndiva'a o ñā'a nandió koo Jesús kasaa na tátō'on kī'o nī xī'o na to'on na? Dá chí nda rá nī xī'i na yatá ve'e yó, ni iin tó'ón ta'on ñā'a ko nádaon. Chí nda rá nī kasá'a sa'a ñayuu yó'o, ta nda viti, ni iin tó'ón ta'on ñā'a ko nádaon", kaa ra. ⁵ Ta o kóni ra nakoni ra ñā nda mí sa'a nī kava'a Ndios induú kaa xí'ín to'on na, ta nī kava'a ta'ani na noñó'o yó'o, tá'an ñā nī ndaki tein takuíf nī kee na, ta xíto na ñā xí'ín takuíf. ⁶ Ta xí'ín takuíf ta'ani nī danaá Ndios noñó'o yó'o tá sa na'á. ⁷ Ta ndaa na induú xí'ín noñó'o yó'o xí'ín to'on mií ná, chí nī taó xoo na ñā, ñā kíān kej ñā kee ño'ó ita tá ná kasandaá kuu keyíko na sa'a ndidaá ñā'a, ta dánaá ndí'i na ñayuu kíni.

⁸ Ta kónii ñā kana'á ndó, na manī, ñā noo sato'o yo Ndios, iin kuu kíán tátō'on iin mil kua, ta iin mil kua kíán tátō'on iin kuu. ⁹ Ta ko kúkuéé ta'on sato'o yo Ndios noó to'on nī xī'o na noo yo, tátō'on kī'o nákaní ini dao ñayuu. Di'a ndátí kueé na yó, chí ko kóni na ñā naá ni iin tó'ón yó, di'a kóni na ñā ndidaá tá'an ñayuu ná nandikó iní na sa'á kuachi kée na.

¹⁰ Tído tátō'on kī'o iin ndakána kasaa ta kú'íná sakuaá, kī'o dión iin ndakána ta'ani kasandaá kuu nandió koo tuku sato'o yo Jesús. Tá ná kasandaá kuu yó'o, nī'i nda'o nī'i induú kaa, dá naáán. Ta kej ndi'i ñā'a ñó'o noo dikó kaa, dá ndutí ndi'an. Ta naá ndí'i noñó'o yó'o xí'ín ndidaá ñā'a ió nooán kee ño'ó ita.

¹¹ Ta sa'á ñā naá ndidaá ñā yó'o, sa'á ñoó ndi kī'o ví kánian koo vii ndo, ta kee ndó ñā kóni Ndios. ¹² Dión kee ndó xíān nani ndátí ndó, ta ndundéé ndó kee ndoan, dá ná kasandaá kíi kuu nī kaxi Ndios ñā

nandió koo sato'o yo kasaa na. Chi kuu daá ñóó kei ndi'i induú káa, dá naáán, ta ndidaá ña'a ñó'o káa kei ita ndi'an, ta nduti ndi'an. ¹³ Tído yóó, ndáti yó xinkoo to'on ni xi'o Ndios noo yo, chi ni kaa na ña kava'a na induú saá xí'ín noñó'o saá noo koo ndino'o ña ndaa.

¹⁴ Sa'á ñóó, na mani, xían nani ndéi ndó ndáti ndó ña dión koo, koo ini ndo xí'ín ndino'o ini ndo koo vii ndo, kande ndúsá'ano ndó, ta kandei va'a ndó nda ná kasandaá kuu nandió koo Jesús. ¹⁵ Ta kana'á ndó ña ndáti kueé sato'o yo Jesús, dá kasaa na, chi kóni na ña káki kuá'á ka ñayuu. Ta dión ta'ani ni kandaa ini ñani mani yo Pablo, chi mií Ndios ni datóon ñaxintóni ná, sa'á ñóó ni taa na dión, dá kandaa ini ndo. ¹⁶ Ta ká'an na sa'á ña yó'o noo ndidaá tuti ni tãnda'á ná ni sa'an noo dao ka na kúú kuendá Jesús. Ta kuáchi nda'o kãndaa ini yo dao to'on ni ka'an na. Ta nádaon dao ñayuu ko ná'á, xí'ín na vitá ini, to'on ni taa Pablo, ta nádaká náan tátó'on ki'o nádaká ná dao ka to'on, ña káa noo tuti ii Ndios. Ta ni'i ná ña naá ná sa'á ña kée na dión.

¹⁷ Sa'á ñóó, ndo'ó, na mani mií, sa ná'á vá ndó sa'á ndidaá ña yó'o, sa'á ñóó koo ini ndo kandaa ndo mií ndó, dá ná dá'a ni kandía ndó ña to'ón dána'a ñayuu yako ñaxintóni, chi oon ni ví kankuei xoo ndó noó ña ndaa kãndísa yó. ¹⁸ Di'a koo ini ndo kua'ano ndó noó ña mani ni kee Ndios sa'a yo. Ta koo ta'ani ini ndo kana'á cháá ka ndo sa'a sato'o yo Jesucristo, na dáka'ki ñaá. Ta mií ná ná natiin ñañó'ó kuu víti xí'ín ndidaá tá'an kuu. Dión ná koo.